

T 3224/6139.8

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

5

OCT 20 1941



北中三溪壅塞水無所泄於是屢罹旱

哈佛大學漢和  
圖書館珍藏印

協衆疏決而溪流復通鄉人頌以詩曰十里清溪流活  
水連村綠稼有甘霖羅源野叟千秋史秋浦先生一片  
心著有梅村集

張新爲人誠樸以嘉遜爲樂好義輕財散家產或捨廟  
或捨屯或賑貧乏或砌官路今疊石張乃其後嗣云

黃序字子申東隅人金紫大夫惟則之子任兵部侍郎  
宋嘉祐間學舍傾圮公捐百金授成書于邑宰葉侯俾  
修之後雖屢圮屢修而規模之壯麗基址之崇闕多公



之力也

黃 垓東隅人少師倫公三世孫也任安撫司令宋季丙

子元

相統師四十萬自溫州道經羅源垓以三千

金

賞軍士以贖民命乃往興化泉漳官民屠戮

殆盡至戊寅旋師復至本邑潮格等鄉一十一日殺人

橫尸僵積遍野公復捐貲徧收遺骸三千餘造義塚于

四明山下而堙之羅民受賜無出公右

達字彥文東隅人明洪武二十八年雷震謹身殿大

天下荒蕪田地許令開墾報豁本縣年徵錢糧七千

餘石逋負大半公力贊邑令奏免一千餘石次年又准

除一千石以蘓民通縣德之

陳公達字若泉號雪堂西隅人卽智津之後任密雲衛教

授先時見縣治北城低薄相度縣衙後山扼要可以守

禦建議倡造與鄭時澤捐已屋明堂石以爲城基後倭

賊入寇城不可下通邑德之

詳見城池志

黃文統字崇正號斗南東隅人少師倫公之裔明天啓辛

酉領鄉薦捐貲郭田起石塔于儒學門之翼方文峰又

捐米百石修砌應德林口橋折中溪上祖屋以疏溪流



凡遇火災荒歉公皆竭力賑濟慷慨好施遠近德之生  
三子長冕章次衣章三寰章俱在庠卒從祀鄉賢

游侶開字信之號未菴賢一人歲進士鄉賢定國公南雄  
司馬之孫也生平襟懷雅度睦族敦倫慷慨好施見義  
必爲修學造塔捐資首倡歷諸文宗三獎優行至康熙  
癸丑以明經上春官授尤溪學博得繼程門立雪倡道  
東南宗風不墜洎尤三載懸鐸設教吹枯振靡寒蟬咸  
佩其澤羣鶚同出其門迨轉擢莆陽尤士失色若嬰兒  
之離襁褓而忽有好獵中阻公遽拂袖歸曰吾豈以

儒爲市耶亦少售吾官之志耳其決於退隱如此  
家食益樂施不倦鄉有告窘者傾囊代之不計其償之  
有無也享年六十有九死之日無間親陳遐邇嘆息泣  
下共言其賢漁村先生陳元登爲之銘生三子長奕焜  
太學次奕爓李世英俱庠生

尤士魁字文開鑑江人生平樂行善事多建亭宇使人休  
息暨前洋橋免人病涉贊父志禮收枯骸築義塚于下  
宅行年七十事母惟謹孺慕弗衰行符月旦聲聞上官  
邑令陳于宜學憲張爲經給匾旌之



張承祖壽之子新之孫亦好義樂施天順丙子歲捐出囊  
金砌豐下官路北至界首嶺南至三層嶺凡若干里生  
三子長曰根善天文地理次曰權善卜季曰桂爲人忠  
直自後子孫乃益蕃衍

贊曰易稱積善書云作善則善者固持躬制行之要務也  
問羅諸君或通誠福物或好義樂施俾居民獲流衛之  
休風逋免鞭朴之慘與夫辭榮陸族儉德示訓事雖異  
致善則相同均足利賴一方矣後之食報豈願問與  
隱逸

倪龍輔字魯玉唐尚書梁國公振十四代孫宋淳祐間爲  
留耕文忠公上客有梅村摘稿并文集行世及卒承改

邱趙崇爲撰梅村銘曰生而有文死而有聞孤山並  
萬梅之村力學壯美勉哉子孫河東轉運使題其墓曰  
梅村倪公真宅

陳鈞字衡臣號滄浪漁者性瀟山水值元末隱仙茅山  
下僦儻尚氣節以聲詩自娛不事生產環堵蕭然明洪  
武間盧州同知阮宗大以賢浪文學薦之授建德縣丞  
三年託疾歸繼而別襄王聞其賢遣使齎幣來聘公強  
應聘居無何乞歸王以詩贈之有歸去故園泉石好白  
雲深處臥希夷之句生平著作甚多有退軒集行世借



全集論于兵燹惟有贈答詞章散見藝文

初學發字起聖豐下人明崇禎間爲諸生潛心力學嘗以  
筆墨作花鳥自娛至闖賊陷京師烈皇革命公輒謝世  
務挈家隱於山鄉足跡不履公門

陳大經字尊而羅平人恬澹自好獵涉羣書不逐聲華喜  
飲酒賦詩著有唾餘集并詩文凡二十卷續修縣志十  
二卷編爲四冊序次歷落參訂詳明藏之私篋人莫有  
知之者會康熙六十年因見前志止于萬歷初年啓禎  
以後至 國朝以來俱未增續缺略實多 一時蒐羅蒼

輯其奈考索無從陳君時年八十矣始出其手續者以  
資考核庶乎得若成之未謝徵文獻之僅存俾互相補  
續公之裨益多矣錫以匾口宏博者儒非虛美也

贊曰君子以天下爲己任詎鄉鄰當世而稿藏於岷嶮毋  
亦羞見乞墦者而以其氣高之耶然而士固有志不事  
王侯是烟霞痼疾沮溺儔匹者入羅而弔梅村之墟誦  
滄浪之咏與夫唾餘之句邑乘之徵空谷足音 亦有足  
多焉

壽考

沈邦榮臨濟人庠生汝忠之祖年百有二明督學有百歲



人瑞之旌

尤 紱號樂山鑑江人百歲壽官孫衍宗亦壽官年九十

倪 錄岷府教授年九十六孫可上謙謹長厚亦年九十

游尚質招賢人積學文雅克敦友愛年九十五

尤光熙鑑江人漳州教授年九十五

鄧益春松山人年九十五

尤榮貴鑑江人周府紀善年九十四

黃 燾東隅人曾諭粟助軍年九十三

魏文龍軍興人選學造城成屬首倡年九十二

吳良詔東隅人妻阮氏西隅武清教諭文垣女夫婦俱九

二十二

鄭子亨梅嶺人雷州司理有文行年九十一

陳志剛東隅人欽奉恩榮德壽年九十以上

黃 昊東隅人孝友恬靜膺鄉賓年九十

黃 曙東隅人年九十

陳大椿滄浪之裔能寶遺集貽子祚吉年八十九

鄭 鉅岐陽人念母孀寡苦守成立中年失偶誓不再娶

年九十時子濟為鎮海衛教諭年亦七十同官晉江林



嘉作詩壽其父曰人生七十古難全况有喬齡七十年  
談笑眼前無故舊往來膝下有曾元朱顏不改原非藥  
綠鬢長生疑是仙更羨震男雲路遠萊衣戲彩畫堂前  
後鉦年九十五嘉靖間欽奉恩榮德壽

鄭 漑濬之兄字子仁明來賓教諭年九十七妻黃氏年  
九十九

鄭應轍年九十女三人長夢桃適賢一游漑年九十一次  
夢蓮適臨濟林鳳翔庠生大傑母年九十二季夢菊適  
松山學生黃世譽貢生升鸚母年九十三

鄭長柱漑之子耆民妻林氏俱九十三

鄭良士漑之子耆民年九十三

鄭 深庠生年九十九 林 杏庠生年九十二

鄭 激庠生良璞父沉重安雅年九十三璞亦九十二

鄭應麟善醫縣給冠帶年九十四

鄭天賜耆民年九十欽奉恩榮德壽

黃執躬三黃始祖年九十

丁世卿東隅人年九十三 歐起祥徐公人年九十六

黃啓文東隅人年九十四 黃英卿松山人年九十一



王四我賢一人年九十 鄭開九臨濟人年九十二  
陳在茲羅平人年九十四 貢生奇遇亨祖

胡舜發豐下人有名節崇禎庠生年九十二

黃應擢東隅人者民年九十二

黃天章東隅人貢生年九十二 舉人慎徽祖

溫道基澎洋人六八娶室七十生子九十見孫沐

皇賞三次九十九終

林 擢西隅人年九十二 黃崇志

豐上人年九十七  
皇賞三次

林公貞徐公人年九十一 鄭龍章

臨濟人者民年九十

貞烈

石氏二女徐公湖格人長月華次雪英皆有姿容父母早  
失家頗受實姐妹相依獵涉經史五代季青中賊作亂  
二女併長曰吾寧死已矣不受若輩辱也即身投于淵  
次亦從之 再見神異志

尤偉小招賢百歲壽官樂山女適福寧林汝瞻純厚溫惠

生三男一女長男大業次大施季大立女曰貞方及笄

避倭寇同居塘頭城萬歷元年秋突有廣東流寇至一

家被虜在船三子死闖曹害載至鑑江巷口歎曰吾一



家遭戮母女媳婦同舟今見吾故土江山吾生于此死  
于此足矣免罹辱遂抱女同投江中一時媳婦妯娌共  
三十四口隨亦投江而死賊亦歎曰此一門貞烈也時  
只汝瞻在別舟遇贖得脫偉小乃進士尤光被之姑爲  
作烈女傳贊曰在水茫茫徹底蒼蒼照人貞烈日月同  
光載沉載浮如珪如璋風來水向香溢滄浪一時不幸  
萬載流芳

尤圭妹明戶部郎中尤光被女先公調守和陽任內所生  
後嫁寧陽陳岡鄉男龍津以選薦判刺和州任上忽寇  
內訌圭娘被擄義不受辱抗聲罵賊爲賊所夷生哥  
死于和亦異矣哉 寧德崔從爲之傳

葉氏豐餘人少端莊適徐公里陳協吉順治丙申海寇  
猝至氏遭擄慮見辱至路中西麻橋投橋下水淺湍不  
施寇援之不肯中手觸石破腦而死

萬君仲妻氏居林洋里鮮洋甫生一呱在抱寇掠其鄉  
逃匿山林兒啼遂被搜擄縛至渡頭上筏氏計不能脫  
身勢必受辱乃佯請寬縛以便乳兒縛寬遂身投渡下  
寇援之無及徘徊四顧渡行岸轉少頃將其呱亦投棄



于水是母之死實非一時且非一處君仲時匿林中樹  
上望見情狀痛傷何極至賊退沿流覓屍邈不可得越  
兩日屍抱呱浮出宛然如生始收埋之終身義不復娶  
此山陬岩谷之義烈其誰傳之邑人林仲椒前過林洋  
因晤君仲乃白其事  
論曰余觀羅邑志柔貞烈石氏二女尚矣若夫尤氏一門  
遭害抱女同沉義不受辱非舍生取義者能之乎是以  
流徽三世而圭妹嗣音可見尤門禮教所貽哉至如葉  
之女觸石萬之妻沉淵斯皆死合于義所謂順受其正  
者也固當與石氏同垂焉以下志守節

守節

林氏臨濟鄭良柱妻年二十四孀守乳孤應召成娶且復  
早世媾陳氏孀居翁夫媼然女甫五歲遺腹國聚女嗣  
是適本里林允隆亦早寡一孤四壁歸母家以撫遺孤  
三歲去處松林竹塢霜冷月凄崇禎十一年知縣盧萬  
化詳旌之

歐潔娘年二十醮賢一生員王德元甫七載元逝潔娘慟  
哭幾絕先時歐氏自謂未孕一子勸夫納妾夫死妾狂  
未幾誕男名子榮氏撫如已出子賜冠補弟子員娶婦



陳氏方六載子榮又早世遺孤女蔚陳氏與姑同夫相  
夫伯官知縣蔚旌曰雙節

葉家貞適豐下湖有褒生子亮甫五月夫死氏方二十欲  
一河節水漿不入者數日母強解始就飲食家產盡付郎  
一伯統理甘心苦守甚至不舉火絕無怨言老猶勤紡績  
一撫子若孫以至成立年六十九而逝合葬金峰山下三  
一山道士張利民題其墓曰二載爲夫半載爲父尋真快向  
一堪笑路淑人自是膺天眷豈曰牛眠一杯土七十老身  
一五十寡各補遺孀數萬家志篤行堅應獲福漫云古地

益黃沙知縣王康國詳按院張應星旌表

林壽娘適西隅陳敬二十四孀守無有二志孝敬翁姑和  
孚妯娌知縣陳良諫詳旌有云二十四歲以後孤幃映  
寒月爭光六十六以前節操與閩山並轟

歐氏適臨濟鄭璋卽恩榮德壽鉅之母也氏甫二十六  
夫死撫孤矢節至老不渝背日甘泉陳孚應爲之賦曰  
文母載之姬史栢舟咏于廊風千古汗青音徽誰嗣惟  
歐孺人夕郎世婦方念六而先飛鳳侶甫五月而孕育  
遺孩抗志孀居艱貞白首榮芝蘭于繞膝解天嶽而還



真鄺風姬史先後爭光過者式之倚與孺人

陳氏玉英豐下陳煜女母早逝父已與鄰鄉李家行定祥禮迨年十四其父又故一弟伶仃皆言塔命不利于外家與其尋父之盟無寧存父之嗣且父所遺繼母無出未必可以藐孤屆遂仰天截髮堅志不字李家亦不忍奪之遂周旋小弱弟以至成立娶室育男氏乃卒知縣蔡睿詳旌有聯云却聘存孤兒一脈宗祧系不泯委身全大義千年節操氣如生張按院旌曰節孝

吳氏珠冠明孝廉九初妹也年十九適羅平陳于新蘭

逾年舉一子陳得病不起氏服侍無所不至卒之日氏欲以身殉舅姑止之曰吾老雖不足計獨不爲若孤計乎未幾子患疹于是可以死矣乃痛家貧兩老憊甚又不忍死但至是不過一具枯骸耳猶以十指勸舅姑饗餐井曰之勞形神俱瘁父母憐之迎歸調養至再乃歸瀕死之時忽方起坐命有與歸家母強留之氏曰此非兒家亟以一息尚存歸得正寢足矣乃登輿入寢而逝

知縣陳欽如題詩奉

黃氏引小東隅吳則著妻教諭光祖之母早年夫死二



子俱幼氏勤勞鞠育水霜自持以俟其孤之成立知縣蕭蔚旌之

沈氏東隅生員全大倫妻倫早逝子幼氏撫孤自守垂老益堅知縣蕭蔚旌

阮氏西隅生員陳鏡妻年艾孀守撫孤文灑辟纊伴讀勤苦萬狀知縣黃杏旌以節烈文灑後授建安訓導

趙氏惠州人象山縣丞陸引妻天資敏淑志務勤儉陸公卒于官氏年廿七絜視歸壘盡禮撫二孤長曰諤入成均授縣職次日誦未仕

琅姐卽中允光被二室公棄世氏甫二十無所出以節自矢誓不再從未幾正室林安人繼殞遺孤懋勳撫如已出寡居一室二十年餘卽家人僕從未嘗得見一面者卒年四十餘知縣陳良諱稔其完節申請掄揚

葉一連林洋林一理妻恩選林起揚母寡守全節淳德貽家知縣唐體允詳旌

丁以賢西隅黃閣選妻二十一夫死孤國仁尙在襁褓矢志孀守辟纊育養邑逢大水夫棺漂流寒裳尋取遇隣火夫棺幾燬冒烟扶出苦節六十五年壽八十六匾曰



貞節

沈懷貞東隅丁景達妻生員允昌母歸四載夫死堅守撫孤訓子有成巡按詹公時雨達部請旌有云旣代夫爲子終事舅姑復代夫訓兒厥成經史匾曰貞節

林氏賢一人游秉恕妻適夫天亡青年孀守有姑屠氏八十餘瘋疾在床三年氏奉養盥梳不嫌穢濁夜則就寢姑旁便於役使至姑終日朝暮哀哭不忘

陳氏新小化二景元女適臨濟林上琪方琪不幸氏年念四金石矢志事瞽姑極其孝養勤紡績以撫嗣子八十二嗣子成立乃卒知縣唐體胤詳旌

彭氏貞小年十九適賢二尤琦二十生子愈和方八月夫死姑憐其弱寡聽其改醮氏矢曰生爲尤婦死爲尤鬼於願足矣遂絕粉黛足不踰閭闔口不露笑言茹荼養姑至老乃卒知縣蕭蔚詳院旌之

黃氏化二陳臣章妻年二十夫卒孤長昌鼎二歲次昌基遺廢家貧紡績減餐奉姑餉兒俾兒長大成立願治十五年奉三院會題 欽賜旌獎匾曰節孝可風春秋賜旂其門



朱氏臨濟林舒英妻年十七夫故子遺腹誓守撫孤育訓成立足不踰閭順治十四年按院成性達部給旌匾曰懿行可風

林氏東隅黃復陽妻年十九而夫逝遺腹一孤得岳家貧日食俱從十指中出及孤成立娶婦一週不幸又卒氏撫遺孫淑心含飴代乳躬拾菅蒯野蔬以爨以食育孫于成年八十七而卒

王氏細妹適豐上庠生胡靖于歸六載舉三男氏年二十六而靖逝苦節孀守時耿逆索餉拷及于舅鋼之凶

國氏竭粧資簪珥充佐解脫甲寅兵變殺人于堂及姑氏以身蔽哀號乃免其養生送死備極孝心年八十三卒即貢生王世臣之胞姑

鄭氏豐下林天于妻年念七而寡孀守撫孤備歷艱辛操家以儉教子以勤年七十五卒子奇英孫光績俱貢紹前業厠身膠庠即巡司象穎胞姐

陳氏冬官重下葉申妻年十九于歸纔半載夫為寇所殺氏甘孀守勤勞紡績孝養舅姑喪葬盡分撫孤兒以續門祚卒年七十三



鄭氏松山生員鄭璣女適東隅庠生黃咸聲舉  
光甫三歲夫逝氏方二十一堅志撫孤事舅姑  
謹課孤力學少年食餼且醇厚謙恭爲鄉里  
氏畫荻和熊之教也年八十五而終知縣蔡彬旌曰  
鄭齊芳

黃氏聚官東隅黃桂之妹適豐下儒士胡牧年十九而  
寡育一女相依爲命歸兄家勵清操澡心修行至老彌  
堅中壽而終

林氏東隅黃文謨妻年念四夫卒未有所出欲以身殉  
姑以夫祧未立借家人勸之乃勉從侍養截髮守其  
心茹苦以紡績爲衣食資俾繼嗣成立宗祧有數六十  
載始終無一怨言知縣蔡睿詳學憲題旌曰松貞冰潔  
林氏奇女東隅全學曾妻年念四夫逝食貧孀守撫孤  
存嗣以紡績助讀書之膏油生平幽靜言不出口知縣  
章簡稔其純節旌曰完節鴻名

游氏菊官賢一恩薦士芬長女隴東隅庠生丁庚甲年  
念四夫亡氏甘孀守立夫後嗣備嘗辛苦節操愈堅八  
十尺歲而終知縣蔡彬旌曰松栢貞操  
進士漢乳胞姊



林氏淑官西隅庠生林登龍女適賢一游德之溫柔孝順內外咸稱憐遭耿變勸民從軍抽及伯氏夫敦友愛以弟代况青年弱質病革中途氏苦守二孤娶婦育孫未幾二子相繼而亡氏以痛夫之慘繼而痛子鞠子之勞重而鞠孫風霜備歷辛勤萬狀親塋墳墓安葬舅姑皆一嫠婦之力也卒年七十一孫已成立矣

黃氏邑庠生冕章女適東隅陳大桂育一女夫卒年廿一矢志守節請伯氏次男爲繼以承夫嗣至嗣成立歷春秋八十五而終知縣蔡彬旌曰松栢遐齡

氏若貞豐上士權女年十九適陳孔詩三載舉一男父子俱殞李氏誓守終身奉姑甚孝父憐其貧寡密與彭富民爲聘氏覺立馳父家將自刎誓不改適父防之氏計終不能免遂沐浴經死知縣吳文英詳請旌表

陳氏邑庠黃文經妻監生衣章母早年喪夫矢志孀守上事老姑下撫孤兒至子成立乃卒縣詳旌獎

黃氏廩生游安國妻年念五喪夫一孤三歲老姑在堂氏以一弱婦竭力孝養玉子于成堅守四十餘年壽六十餘而卒縣詳旌表



林氏東隅丁志相妻方二十而夫逝甘守空房誓不再從終身如一張按院爲之彙題旌表

尤氏賢二庠生尤珪之姊明郎中光被曾孫女也適東隅黃亮章年而孀守幽居一室不特服飾弗御卽音容亦未少露於家人後伯氏以次男繼之年八十而終

鄭氏西隅阮汝發妻十七于歸連育三子遺腹一子年念七而夫亡氏甘孀守酬孤志節不移撫孤成立年七十五終

氏羊官繆士琳妻二十于歸四載夫亡一孤玉調甫二三歲氏甘貧矢守仰事俯育無不備摯方孤成立氏已老矣終年七十有四

游氏東隅黃永顯妻十八于歸二十八夫亡孀守二孤撫育成立苦節自矢風霜不變五十而卒

黃氏臨濟鄭文卿妻于歸四載氏年念四而夫病亡苦守遺孤日矢冰霜夜勤杵軸後男育四孫成立年六十四而終知縣王楠旌之

廖氏敬官東隅黃雲錦妻三十而寡家貧苦守事舅姑



而孝敬有常訓孤男而韶年入泮至老猶以女紅佐讀  
書之燈油知縣蔡彬旌曰栢操松齡

黃氏貢生裳章女適臨濟鄭世珩二十而寡勤勞苦守  
足不踰閭知縣王楠以貞節流芳旌之

游氏徽純二尹韶姪季女年十九歸東隅黃廷燦三載  
而寡氏潔志孀守奉姑課子至子成立老不改操知縣  
蔡彬旌曰冰心勁節

陳氏淑艷西隅廩生標元姊適豐上胡兆顯胡子嘔血  
勞傷氏割股療夫無所不至及夫病篤不乳子而乳之

至夫身亡爲愛夫在愛子廿齡孀守苦節維祺

王氏黃宗憲妻方廿三而寡父母憐其家貧勸之再醮  
氏矢志從一旦念上有祖姑老婆日夕無依苦守侍養  
一門三寡形影相吊并撫三孤於成人志節不渝

潘氏臨濟鄭士發妻年十九于歸二十七孀守志切其  
舟力擦孟杵上事翁姑下撫二乳苦節不渝知縣王楠  
旌以貞節流芳

江一氏松山玉卿女適西隅陳子良生二子年廿五夫歿  
家道醜貧甘心苦守甚至躬搯耕樵撫孤以成



游一氏賢一啓思女適豐下林瑞趾二十于歸悉入孀  
苦節四十餘年知縣蔡彬旌曰松筠媲美

林一氏白使臨濟生員林雍女適東隅黃之理年逾五  
死長孤則仁遺腹孤則美氏矢志苦守奉養舅姑撫孤

成立年六十二勤勞不怠知縣王楠旌曰貞操苦節  
趙一氏拜并王士元妻年念八夫故家貧茹苦矢志孀守

孝事翁姑撫孤兒四十餘年辛苦異常康熙五十四  
一年署縣事李天爵旌以節孝可風

歐一氏臨濟倪可任妻青年守節事姑盡孝撫孤兒名曰  
膠庠連曰孝節

黃一氏愛玉重下葉綱妻二十一喪夫撫育孤兒結績支  
貧堅貞守志奉老姑以終年課孤兒以成立知縣王康

國詳旌之

張一氏崑金化一向賢女自少貞靜年二十適臨濟里鄭  
國俱五載育一男而俱以逝歷二十年幸子有兒不虞  
孫又失母氏始撫其子復撫其孫艱苦備嘗者七十餘

年終時七十有三

論曰余讀之至孤兒趙武事未嘗不廢書流涕也嗚呼文



夫誠有之其在婦人則尤奇昔者下宮之禍梓白謂程  
嬰曰存與死孰難嬰曰死易耳存孤難於是謀以嬰  
存孤而曰死今以羅志所載節婦當夫死之日卽投繯  
刎頸一死何難而顧出萬死之中備歷艱辛卒成其孤  
豈非女中之嬰哉所謂生而有益於人卽生不無可錄  
之節者以下附殉夫

殉夫

黃氏趙士恩妻夫與訣時年方二十囑其改適氏泣曰  
氏聞生死同穴可再適乎遂撤篋中所有以殯夫畢奉  
漚肉以茹姑以解其悲愁私飭襦衿理髮自經身亡

鄭氏臨濟達九女適西隅庠生林登龍三載舉一女夫  
卒氏投繯者屢家人嚴防越而月竟絕食死縣詳旌表  
唐氏元官西隅陳文榮妻于歸六載生一女週歲夫亡  
三朝矢志身殉以女付姑私自投繯知縣胡喬年詳旌  
黃氏東隅黃孔潛女適豐上陳在西方七日夫病而逝  
日夜守柩哀慟不食十七日氏亦卒

王氏

汝銓女婚儒士鄭世球因苦讀病瘵氏  
知之虔誠禱禱減紀及計至痛哭暈絕請奔喪不許誓



死防密城數日歸震無求自縊而死年二十二知縣張  
四維 北門外監石道旁

陳氏化二從龍女婚東隅廩生黃宸中次男祖瀚未幾  
病故陳氏聞計欲奔喪家人延阻無何自投家井眾援  
而不得死乃托故入房沐浴隨解繫帶縊死知縣蔡彬  
詳旌曰冲姿奇節復為之吊輓 詞見藝文

林氏靜姑西隴仲栢女自幼孝順家貧操作不倦年十  
七在字徐公陳式湯陳居鄉夜半為虎入室傷膝越數  
日計至女慟哭失聲欲同父母奔喪不許因絕粒不食

屢屢尋死家人防之越兩日晨與盥沐對父母語言其  
款並無戚容以故防之已疎乘間經于寤榻顏面如生  
年十八知縣蔡彬旌以匾且為之傳 有徵詩引載藝文  
時翰林祭酒余正健聞之亦賜吊輓

陳氏謙官西隅潘在御妻太學元愷母十七于歸育一  
男一女年二十二夫死殯奠畢即以男女付翁姑勵志  
殉夫哭泣不食以沒

游氏實 貢生士芬妻女進士漢虬胞妹幼遠名  
節年十八 儒士阮長福纔七閱月夫病日篤氏



判殿和義

以夫死三朝視殯殮奠祭畢遂投繯以

殉邑文

無不哀輓知縣張四維詳旌之

林一氏壽娘西隅饒建妻二十于歸半載夫疾革顧壽娘  
曰我天命也汝年少當善事後人壽娘泣曰汝死我何  
生為至夫殯已畢遂自縊身亡

陳氏辰小賢一游鳳妻十九于歸適夫作巨艦族人患  
其下軌其謀毀之眾投以石其夫返擊悞中長年身死  
紛然訟起 氏懼累其夫捐命當之眾感其烈訟遂

論曰 氏教人順受其正又曰盡其道而死者正命也

不知閨閣之女于男子天死即甘殺身以殉者果皆願  
受者不盡其道者乎抑亦志在流芳百世不甘與草本  
同腐則殺身亦未免好名之累是以第其品于貞節之

宋云

蘇州府志卷十 列女



田新沙册志  
卷七  
三十一  
三十一



